

- pano in *Calila* p. 90. Offendit मधुरध्वनिं *sonus dulcis*; vellem विपुल^o vel similem addere epitheton.
21. Sententia est ut in *Niti* vs. 85.: nec Deum ipsum mutare posse ea quae fato constituta sint. कृकवाकुः avis quaevis crocitans est, cui flamingo pulcherrimus opponitur inter flores lotos nidum faciens. Prostat distichon in Edit. 105. et in Cod. B. 106.
22. Multum haesitavi quibus medelis metro huius sententiae consulerem, praesertim quum clariss. *Lassenium* viderem versiculum nostrum secundum Edit. Srir., ubi vs. 106. solus legitur, evulgasse in Comment. ad Hitop. p. 103. Vitium in tertio pede alterius hemistichii latens facile tollitur, si र्वैरं Anusvaro deleta adiunxeris vocabulo sequenti; gravius tamen in primo hemist. ulcus deprehenditur, cuius कथयन्ति न vel sensui, ut equidem existimo contrarium est. Proceleusmaticus in sede sexta requiritur sive Amphibrachys et particulae sane erant in promptu तु हि च स्म ह वै ad pedem restituendum (पादपूरणे); nos वा inseruimus negatione prorsus extirpata, quo facto sententia omnibus numeris absoluta videtur.
23. In Cod. B. (99) ubi sententia haec Editionis, in *Niti*, ultima prostat, primum hemistichium falso legitur hoc modo: दिग्गजकमठकुलाचलैः कथमपि विधृतापि न ब्रलवति वसुधेयं ॥ Bonam tamen in altero hemist. lectionem चलति huic Cod. debemus pro फलति. Ad sensum cf. *Nitis* caput de fortitudine et constantia. De testudine et serpente Sesho vid. Nit. 28. दिग्गज collective sumendum, sunt enim quatuor terram portantes elephantia. Vocabulum प्रतिपन्नं pro indole venit ut alias प्रसिद्धं ॥
24. Ex libro Vairagyo superstes et ad versum nobis octogesimum quintum arctissime perti-
nens sententia, in Cod. A. et Edit. Sr. quadragesima nona, in B. quadragesima quinta est, et a nobis quidem expulsa ne numerum centenarium transgrederetur liber. Satis tamen antiquum est distichon in *Rāyaparak.* p. 28. iam citatum, ubi in primo hemist. ब्रलवति etc. transponuntur cum कुसुमेत्यादि. Pro लोद्रे cum Cod. A. legendum erat लोटे = मृत्खण्डे. Usitatiores porro formas दृषदि e Cod. B. et Schol. Mst. praetulimus; lectiones यान्तु in B. et Kāvya. पुण्यारण्ये B. et कदा in Kāv. loco क्वचित् habent quo se tueantur. Vocabulum denique स्त्रिया Scholiasta अपत्य vocabulo diserte explicat, alioquin et mulierum gregem poteras intelligere.
25. Sententiis Bhartriharis finem impono, disticho ad Nitisatacum et Vairāgyum respiciente, qui in Cod. D. librum de amoribus claudit, primum quia tres in universum Centurias respicit, dein etiam ut exemplo pateat quam corrupti interdum soleant esse libri Indorum Mstt., quorum tamen versiculos scholiis, ut hic quidem est, destitutos, solo metro restituas necesse est. Mensura hoc loco *Sragdhara* est haec, in duos male per scriptorem versiculos divisa:
- ==|=|=|=|=|=|=|=|=|=|=|=|=|=|=|=|
- primum vero hemist. hoc modo exaratum: